

Fréttabréf eTwinning

[Septemberfréttabréf eTwinning](#) var að koma út. Eins og vanalega er það stútfullt af fræðandi og áhugaverðu efni. Landskrifstofan nýtir samfélagsmiðlana [Facebook](#) og [Twitter](#), við hvetjum ykkur til að fylgjast með þeim þar. Umræðumerki þeirra er #eTwinningISL.

Í fréttabréfinu er fjallað um að hverju ber að huga að næsta skólaár, verkefnahugmyndir og íslensk kennslumyndskeið. Nýja útgáfan af eTwinning er mjög spennandi og kallast LIVE sem gerir kennurum kleift að streyma hljóði og mynd og halda fundi í rauntíma. Þá er fjallað um nýju vefgátt School Education, eTwinning þema í Samspili 2015 og vinnustofu á Sommaröy.

[Smelltu hér til að lesa fréttabréfið.](#)

Fyrsta #menntaspjall 2015

Fyrsta #menntaspjall ársins 2015 fór fram á www.twitter.com í morgun. Umfjöllunarefnið var Menntabúðir, miklar og góðar umræður sköpuðust. Ánægjulegt að sjá hversu margir skólar hafa tileinkað sér menntabúðaformið til símenntunar einnig kom fram að nokkrir skólar eru í startholunum.

Mín upplifun á menntabúðum er einungis jákvæð, ég hef lært á fullt af verkfærum, kennsluaðferðum, fengið innsýn inn í hvað aðrir kennarar eru að gera með sínum nemendum og tengslanet mitt hefur eflst til muna. Ég hvet alla til að kynna sér menntabúðir. UT-torg og Menntamiðja munu halda áfram með

menntabúðir á vormisseri og verða þær auglýstar mjög fljótlega.

[Hér má sjá samantekt á #menntaspjalli um menntabúðir.](#)

eTwinning ráðstefna í Róm 2014


<http://conference2014.etwinning.net/> –
<http://conference2014.etwinning.net/videos/>




Það voru glaðværir ferðalangar sem hittust á Keflavíkurflugvelli snemma morguns miðvikudagsins 26. nóvember. Þarna voru á ferðinni 7 kennarar og 2 verkefnisstjórar eTwinning á Íslandi og voru flestir að hittast í fyrsta sinn. Ferðinni var heitið til Rómarborgar á árlega ráðstefnu eTwinning sem haldin var í 9. sinn.



Mjög vel var tekið á móti þreyttum ferðalöngum á stórglæsilegu [Marriott Park Hotel](#) seint aðfararnótt fimmtudagins 27. nóvember, eftir 22 klukkustunda ferðalag. Hópurinn fékk að upplifa ýmsilegt á þessu langa ferðalagi, m.a. týndur farangur, flug fellt niður og hótél uppþokað.



Snemma að morgni fimmtudagsins 27. nóvember var förinni heitið í skoðunarferð um miðbæ Rómar. Þar sem áhugi hópsins var mismunandi var ákveðið að skiptast í þrjá smærri hópa. Mikið var um að vera í borginni m.a. voru kennarar að mótmæla og kröfðust hærri launa. Myndirnar hér fyrir neðan voru teknar í bæjarferðinni.



Ráðstefnan var sett kl. 14:00 þann dag. Sjá nánari umfjöllun á ráðstefnuvefnum:

<http://conference2014.etwinning.net/2014/11/27/plenary-session-welcome-to-the-etwinning-2014-conference/>. Það var



menntamálaráðherra Ítalíu, Davide Faraone, sem hélt upphafsræðuna og bauð alla velkomna. Að því loknu fluttu fulltrúar NSS nokkur orð, því næst flutti Antonio Silva Mendes frá framkvæmdastjórn ESB nokkur orð og að lokum Marc Durando frá [European Schoolnet](http://www.european-schoolnet.org/). (sjá glærur)

Heildardagskránnar er að finna hér:

<http://conference2014.etwinning.net/programme/>

Að þessu sinni var það [Lord David Puttnam](#) sem flutti Keynote ræðuna sem gaf tóninn fyrir ráðstefnuna. Erindi hans sem var mjög áhugavert og áhrifaríkt, kallaðist “We are encountering three “climate changes” at once – digital, ecological and economic. Can our education systems cope with this triple threat?” Á eftirfarandi hlekk er umfjöllun um ræðuna hans: <http://conference2014.etwinning.net/2014/11/28/plenary-session-ii-keynote-address-lord-david-puttnam-resilient-education/>

Dagurinn endaði í stórskemmtilegum leik “Game of Romes”. Öllum þátttakendum hafði í upphafi verið skipt í hópa sem áttu að leysa ýmis verkefni í sameiningu. Meðal verkefna var að hanna grímu í anda skylmingaþræla (gladiators), semja sögu saman og tísta henni og semja dans við fyrirfram ákveðið lag. Þessir leikar voru mjög skemmtilegir og hristu mannskapinn vel saman.



Að kvöldi dags var boðið upp á glæsilegt kvöldverðarhlaðborð á 6. hæð hótelsins, þar sem allir þátttakendur ráðstefnunnar snæddu saman og áttu ánægjulega kvöldstund. Kvöldið endaði á

útsýnisferð þar sem litin voru helstu kennileiti borgarinnar.



Að morgni föstudagsins 28. nóvember voru haldnar mjög fjölbreyttar og áhugaverðar vinnustofur. Sjá yfirlit hér: <http://conference2014.etwinning.net/workshops/>.

Við tókum þátt í eftirfarandi vinnustofum:

How to teach coding – Ingrid Maadvere and her pupils ([sjá glærur](#))

Þessi vinnustofa var vel skipulögð og efnið aðgengilegt. Ingrid og tveir nemendur hennar kynntu verkefni þeirra sem unnið var með skóla á Ítalíu. Þau sýndu okkur helstu tól sem þau hafa verið að nota sem má sjá á glærunum hér fyrir ofan. Í lokinn fengu allir að prufa forritið Scrats til mikilar lukku og voru nemendur og kennara úr skólanum tilbúnir að aðstoða.

Hér fyrir neðan er hlekkur á umfjöllun um vinnustofuna á ráðstefnuvefnum:



<http://conference2014.etwinning.net/2014/11/28/how-to-teach-coding-workshop/>

Introducing Coding to your Classroom – Tommaso Dalla Vecchia

Frábær vinnustofa sem var farið í helstu tól sem hægt væri að nota til að kenna forritun og hvað það væri mikilvægt að kennara myndu kynna sér þetta sem fyrst til að geta kennt nemendum sínum. Eftir innlegg frá kennara var hópum skipt í smærri einingar til að ræða hvað þeirra skóli hafi gert.

Kelduskóli komst á blaðið og var myndaband sýnt frá skólanum í

báðar vinnustofur sem Tommaso var með. Hér má sjá grein og myndband um Code of the Week sem skólinn tók þátt í <http://www.appland.is/blogg/code-of-the-week-kelduskoli>



Setting online safety standards for schools – Janice Richardson and Stefan Opsomer

Í þessari vinnustofu var farið yfir það hvernig skólar gætu unnið að áætlun fyrir öruggari notkun á internetinu. Hópnun var skipt í smærri einingar sem áttu að vinna áætlun, margar vangaveltur komu fram og vildu sumir hafa allt harðlæst á meðan aðrir vildu hafa allt opið. Einnig var fjallað um að hver skóli ætti að setja reglur um internetið og netnotkun.

How to Flip your Classroom! – Það var Helen de Lange sem hélt þessa vinnustofu sem var mjög vel skipulögð og efnið mjög aðgengilegt og skýrt ([sjá glærur](#)). Fyrirmynd hennar að vendikennslu er Katie Gimbar, sjá Ted-Ed myndskaið: <http://ed.ted.com/on/BynFDc4l>. Hún benti vefsíðuna: <http://www.kennisnet.nl/themas/flipping-the-classroom/> en þar er að finna margar hugmyndir. Þau verkfæri sem hún nýtir sér eru: [Camtasia](#), [Jing](#), [Screencast-o-matic](#), [Screenr](#), [TeachingChannel](#), [Edmodo](#), [Khanacademy](#), [Sparkol](#), [TEDEd](#), [Flip de Clip](#), [Educreations](#), [Youtube](#), [Dropbox](#), [Explain everything](#), [Flipped classroom workshop](#).


Við fengum mikla hvatningu en einnig kviknuðu margar hugmyndir um hvernig við getum nýtt vendikennslu í störfum okkar. Hér má sjá hlekk á umfjöllun um vinnustofuna á

ráðstefnuvefnum:

<http://conference2014.etwinning.net/2014/11/28/how-to-flip-your-classroom/>




Twitter in the class and staffroom – Bart Verswijvel og Arjana Blazic.

Frábærir vinnustofustjórar, þau voru mjög hvetjandi og hugmyndarík og fengu þátttakendur til að taka virkan þátt. Arjana var með okkur í beinni útsendingu frá Ameríku. Þarna fengum við margar hugmyndir sem auðvelt er að tileinka sér og nýta þennan frábæra samskiptamiðil í kennslu. Sem dæmi má nefna að nemendur þurfa ekki að vera skráðir notendur til að nýta twitter, mögulegt er að nota hópskráningu; senda QR-kóða; varpa fram spurningum; búa til “fake” notanda t.d. látinn rithöfund; tísta dansandi og margt fleira, sjá nánari útfærslur á eftirfarandi slóð: <http://bit.ly/etwiontools>. Þrátt fyrir smá hnökra í internettengingunni var þessi vinnustofa alveg ómetanleg.



Responsible use of the Internet – Sarah Willoughby. Í þessum vinnubúðum fjallaði Sarah um örugga notkun internetsins, fram fóru heilmiklar umræður og vangaveltur um bestu starfsvenjur í þeim efnum. Hún var með nokkuð af kennsluefni, bæklinga, bækur og dvd diska sem þátttakendur gátu tekið með sér heim. Á heimasíðu Safer Internet Centre í Bretlandi er að finna hagnýtar upplýsingar sem hægt er að nýta í kennslu: <http://www.saferinternet.org.uk/>. 10. febrúar er Alþjóðlegi

netöryggisdagurinn, það eru [SAFT](#) og Samtökin [Heimili og skóli](#) sem standa fyrir áhugaverðri dagskrá og hvetjum við alla skóla til að kynna sér og taka þátt (fylgist með auglýsingu á <http://www.saft.is>). Til gamans má geta að Kelduskóli og Hólabrekkuskóli eru skráð í eTwinning verkefni sem tengist þessum degi. Eftirfarandi eru krækjur í fleiri heimildir: [Esafety Label](#), [Insafe](#), [Esafety kit](#), [Digital universe](#), [Being online activity book](#) og [Safer Internet Day](#).



Á eftirfarandi hlekk er hægt að sjá glærur úr nokkrum vinnubúðum:

<http://conference2014.etwinning.net/presentations-2/>

Dagurinn endaði á stórglæsilegum kvöldverði á Palazzo Taverna Via Dei Gabrielli. Húsið sem var byggt á 13. öld var í alla staði mjög aðlaðandi, borð- og húsbúnaður var hinn glæsilegasti. Við fengum skemmtilega borðfélaga frá Lúxemborg, Belgíu og Hollandi og voru umræður mjög fjölbreyttar.





Á laugardagsmorgninum gat hver og einn tekið þátt í einni vinnubúð en það voru 13 í boði. Stórglæsileg lokasamkoman var haldin í stærsta salnum á fyrstu hæð hótelsins, undir yfirskriftinni eTwinning & Competences. Þátttakendur í pallborðsumræðunum voru [Brian Holmes](#), EACEA, [Riina Vuorikari](#), IPTS, [Donatella Nucci](#), Italian NSS og [Patrick Griffin](#), University of Melbourne.

Að lokum voru veitt verðlaun fyrir Game of Romes leikinn. Ein úr okkar hópi fékk bol og heyrnartól í verðlaun fyrir frábæra framistöðu í leiknum. Síðdegis var svo haldið heim á leið og var ferðin nánast áfallalaus.

Ferðin var í alla staði frábær, vel skipulögð og mjög vel heppnuð. Það sem stendur upp úr er fólkið sem við kynntumst, hugmyndirnar sem við fengum til að nýta UT í störfum okkar og allar hugmyndirnar um framtíðar eTwinning-verkefni.

Takk fyrir okkur,
eTwinning ferðalangarnir,
Bjarndís og Rakel.

1. #menntaspjall haustsins

Fyrsta #menntaspjall haustsins fór fram í morgun á samskiptamiðlinum twitter. Að vanda var mjög fróðlegt að taka

þátt og umræðurnar voru áhugaverðar.

Að þessu sinni var umfjöllunarefnið „Samstarf skóla og safna um nám utan skólastofunnar“ og gestastjórnandi var Hlín Gylfadóttir, MA nemi í safnafræði við HÍ og safnfræðslufulltrúi í Þjóðminjasafninu. [Smelltu hér til að skoða samantekt Ingva Hrannars Ómarssonar.](#)

#menntaspjall Samfélagsmiðlar í námi og kennslu

Í morgun fór fram á twitter 8. [#menntaspjall](#) vetrarins og umfjöllunarefnið var „Samfélagsmiðlar í námi og kennslu“. Fjöldmargir „mættu“ og tóku virkan þátt í umræðunni. Gestastjórnandi að þessu sinni var Svava Pétursdóttir, nýdoktor á [Menntavísindasviði HÍ](#) og verkefnisstjóri [Náttúrutorgs](#).

Menntaspjall fer þannig fram að stjórnandi varpar fram 4-6 spurningum og þátttakendur svara. Það er mjög gaman og fróðlegt að taka þátt í [#menntaspjalli](#) og ég hvet þig til þess að „mæta“ og taka þátt í næsta spjalli.

Ingvi Hrannar Ómarsson hefur tekið saman það helsta sem fram fór í morgun á [heimasíðu sinni](#).

Tíst í Grundó

[Grunnskóli Grundarfjarðar](#) hefur unnið að þróunarverkefni sem snýst um að iPad í kennslu, frá vormisseri 2012. Í byrjun voru iPadarnir í boði fyrir alla nemendur skólans þar sem kennarar nýttu þessa nýju tækni sem viðbót við kennsluaðferðir sínar. Í haust var farin sú leið að bjóða nemendum 9. og 10. bekkja að fá iPad sem kennslutæki 1:1. Kannanir og viðtöl við nemendur hafa verið í stöðugri þróun, til að athuga hvernig tækið er að nýtast þeim, hvort tækið stuðli að bætum námsárangri að þeirra mati, hvort tækið auki námsáhuga og svo framvegis.

Ýmsar matsaðferðir hafa verið nýttar, s.s. viðtöl og bekkjarfundir. Þessar leiðir voru ekki að nýtast nægilega vel og var því ákveðið að fara aðra leið, að fyrirmynd [#menntaspjall](#) á [Twitter](#) og tísta um skoðanir nemenda á nýtingu iPad í skólanum. Stofnaður var hópurinn #ipadgrundo, þar sem spurningar voru lagðar fram á sama hátt og nýtt er í menntaspjallinu á Twitter:

Fyrstu urðu nemendur að kynna sig til leiks og svo voru spurningar lagðar fram hver af annarri:

Q1: Hvaða forrit ertu að nýta þér í iPadinum, símanum og tölvunni?

Q2: Hverju hefur iPadinn breytt hjá þér í sambandi við námið?

Q3: Hverjir eru helstu kostirnir og gallarnir við að hafa iPadinn?

Q4: Finnst þér við nota iPadinn mikið/lítið í verkefnavinnu? Hvernig getum við nýtt hann betur/meira í náminu?

Mat kennara á þessu fyrsta tísti var að líklega hefði ekki komið eins mikið fram af hugmyndum, viðhorfum og mati nemenda á nýtingu iPadanna hjá þeim ef matið hefði verið framkvæmt á annan hátt. Þetta virðist vera góð leið til að ná til nemenda, og sjaldan hefur verið eins góður friður í kennslustund eins og í þessari!

#menntaspjall 12. janúar

Sunnudaginn 12. janúar n.k. verður boðið upp á fyrsta formlega #menntaspjall á örbloggvefnum Twitter í samstarfi við MenntaMiðju. Ætlunin er að spjallið verði annan hvern sunnudag, kl. 11, í einn klukkutíma í senn. #Menntaspjall er ætlað að vera umræðuvettvangur fyrir ýmis málefni sem tengjast menntamálum á Íslandi og gefa skólafólki hvaðanæva af landinu tækifæri til þess að læra, deila og tengjast öðrum.

Ingvi Hrannar hefur sett saman leiðbeiningar á vefnum sínum: <http://vimeo.com/81879313>

#menntaspjall á twitter

Góður hópur skólafólks mætti kl. 11 í morgun á [twitter](#) til að taka þátt í fyrsta Menntaspjalli vetrarins.

Menntaspjall er klukkutíma langar umræður um menntamál sem fara fram á samskiptamiðlinum twitter undir umræðumerkinu #menntaspjall. Spjallið er skipulagt af [Ingva Hrannari Ómarssyni](#) og [Tryggva Thayer](#).

Ingvi Hrannar hefur tekið saman [myndskeið](#) með útskýringum um hvernig menntaspjall fer fram, einnig hefur hann [tekið saman spjallið](#) sem fram fór í morgun og birt á heimasíðu sinni. [Svava Pétursdóttir](#) er ein þeirra sem tók þátt í morgun og [hér](#) getur þú lesið lýsingu hennar.

Þetta er skemmtileg nýjung og góð viðbót við umræðuna um menntamál. Næsta #menntaspjall verður sunnudaginn 12. janúar 2014 kl. 11-12.

Menntabúðir 1 – fréttir

Fyrstu menntabúðir vetrarins voru haldnar í dag. Slagorð dagsins voru „*Trix, tækni og tengslanet*“. Einstaklega var gaman að sjá hversu margir mættu og tóku þátt í þessari velheppnuðu tilraun með okkur.

Svæðinu var skipt upp í 7 stöðvar og voru umfjöllunarefni af ýmsum toga. Dagskráin gerði ráð fyrir eftirfarandi umfjöllunarefnum: [twitter](#) (#menntabudir @ut_torg), [Doceri](#), [TouchCast](#), [Turfhunt](#), [Relanpro](#), [PowToon](#), [Vendikennsla](#), [Opið menntaefni](#), [Pinterest](#), [Vefveggspjöld](#).

Mikið fjör og góðar umræður sköpuðust sem náðu langt út fyrir dagskránnu og var almennt mat þátttakenda að búðirnar hefðu tekist vel. Einnig komu fram tillögur um umfjöllunarefni fyrir næstu menntabúðir sem verða haldnar fimmtudaginn 7. nóvember. [Skráning er þegar hafin](#).

[Sólveig Jakobsdóttir](#) og [Svava Pétursdóttir](#) fjalla um menntabúðirnar á bloggsíðum sínum. Smelltu á nöfnin þeirra til að lesa færslurnar.

Myndirnar hér fyrir neðan voru teknar á menntabúðunum 31. október 2013.

